

آبونه سرائطی

ممالك عثمانیه ده سنه لکی (۶۵)، آلتی
آیلنی (۳۵) غروشدرد .
ممالك اجنبیه ده سنه لکی (۱۷)، آلتی
آیلنی (۹) فرانقدر .

اداره خانه

باب عالی جاده سنده دائرة مخصوصه

اضطارات

آبونه بدلی پشیندر .

مسلكه موافق آثار مع الممنونیه قبول
اوانور . درج ایدله یین یازیلر اعاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

محمد عاکف

اشرف ارباب

اتبعون اهدکم سبیل الرشاد

اضطارات

رساله مزدن آاندینی کوسترملک
شرطایله ستون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و
اوقوناقلی اولسی و آبونه صره
نومروسی محتوی بولونسی لازمدر

ممالك اجنبیه ایچون آبونه اولانلرک
آدرسلرینک فرانسه جه ده یازلمسی
رجا اولنور .

پاره کوندردلکی زمان نه یه دائر
اولدیغنک واضحاً بیلدیرلمسی رجا
اولنور .

مَقَالَات

دار الخلافه قاپوسنده صارقندیلیق ایدن عارسزل

چناق قلعه نك انگلیز و فرانسه دونماری طرفندن بلا نتیجه بومباردمانی باشلادینی کوندنبری شرق و غربك کوزلی اردوی خلافتك کوستره جکی عزم دیرانی و تاریخ عثمانی به ضم ایدم جکی مناقب حماسی مشاهده قوبولدی : بو بک طبیعی برشی ایدی . چونکه چناق قلعه نك قارشیسنده دشمنلر نك کوستره جکی یاس و هزیمتی متعاقب حرب حاضر بشقه بر صفحه کیره جکدر . اوراده احراز ایده جکمز قطعی مظفریتك نتیجه سنده انگلتره بر یحوق عصردن بری دیلرده داستان اولان حاکمیت بحریه سینه وداع ایدم جک ؛ فرانسه او مغرور باشنی ذلت و مسکنتله اکه جک ؛ روسیه هر درلو مظاهره و معاونتدن محروم قاهره بی تاب بر حالده سرفرویه مجبور اوله جکدر . الحاصل حق و عدالت قلیجلی بوسایه ده کمال اطمینان ایله وظیفه لرینی ایفاده دوام ایتدکلی حالده صلح و مسالمت ، فلاح و سعادت طوغرو اک متین خطوه آتیه جق و بی طرف اولانلر استقبالی واضح بر صورتده کوره نك خط حرکتلری آکا کوره تعیین ایده جکدر .

چناق قلعه نك قهرمان مدافعلی احراز ایتدیکلی ایلك ظفرله بوغازك ناقابل مرور اولدیغی دشمنلر مزه پک آلم بر صورتده اوکرتدیلر . دشمن دونماری آرتیق ایسترسه بر کره ده طالعنی تجربه ایده بیایر . فقط - بعون الله - خسراندن ، اضمحلالدن بشقه برشی قازانه میه جکدر . چونکه چناق قلعه مدافعلی اثبات ایتدیلر که هربری :

ولست ابالی حین اقتل مسلما
علی ای جنب کان فی الله مصرعی

قولك ماصدق اولان بر حاست و غیرت اسلامی ایله باب خلافتی ضیانت ایدیورلر . قارشودن دشمن دونماری کورونور کورونمز استحقاکلرک ایکی طرفنده اذائلر اوقونور . هر رینك جنبنده بر قرآن کریم اولان اسلام مجاهدلی تکبیرله طوب باشنه قوشیورلر . بویه فداکارانه بر عزم ایله ، بویه نورلی بر ایمان ایله جهاد ایدم بهادرلر البته اللهک نصرتنه شایاندلر .

چناق قلعه مظفریتك نتایجی جهانشمول و بتون بشریتك مقدراتی ایله علاقه داردر . بشریتك مهم بر کتله سنی ، جهانك بیوک بر قسمی حاکمیتلی آلتنه آله رق نیجه وحشتنده ایکلهدن انگلیز ، فرانسه و روسلرک جبار قلمری صارصیله جق ، بیدرپی نابود اوله جکدر .

انگلیز و فرانسه لرک ، چناق قلعه مقبر جیمیسینه کومه جکلری توتلر ، دیگر قوتلرک میدان چیمسنی و متحداً دشمنلر مزك اوزرلرینه یوکلنه رك آنلرک هزیمت قطعیه به دوچار اوللرینی تسهیل ایده جکدر . بر

جهتدن خلافت اردوسی سویش قنالی ، انگلیزلرک بوغازلرینی صیقورکن ، اهراملرک تپه سینه علم توحیدی دیکورکن ، قفقاسیاده موسقوفانی قطعی انهمزاده دوچار ایدیورکن ، دیگر جهتدن آلمان متفقلمز انگلیزلری آتله لرنده حبس ایدرک آجافه محکوم ، شمالده موسقوفلری ، جنوبده فرانسه لری پریشان و مغلوب ایده جکدر . بصورتله جهانك بیوک بر انقلابی سیره باشلایه جکدر .

کورولبورکه معظم اردومزك وظیفه سی پک بیوکدر . فقط هیج شبهه یوق که اردومزك ایمانی ده بیوکدر . ده بیوک وظیفه لری درعه ده ایتکه کافیدر . بوکون اسکی مجاهدین اسلامی نك حماسه و بسالته اردومز بر کره ده تاریخ مفاخر مزه قید ایدیور . و اوتاریخك اسکی کوشی یکیدن طوغبور . قهرمان محمد چاووش بوکون جهاد ایدم اردومزك بر نمونه شهامتیدر .

مسلمانانك انتقامی او یله آتشین و خارق العاده بر سائق ذی قدرت ایله آلمق ایچون بودرجه فداکارانه جهاد ایدم بوشانلی غازی لسان حالیه اسکی بر مسلمان شاعرینك :

تأخرت استبق الحیاة فلم أجد
لنفسی حیاة مثل أن أقدماً

قول حکیمانه سی ترنم ایدیور .
ایشته بتون اردومز حیات اوغرنده اولومی استحقار ایله ملتته حیات قازانیور .

بویه براردونك عهد حیمه باب خلافتك محافظه و صیاتی تودیع ایدلمشدر . اونی ، اولایتلرک ایمانی محافظه ایتدیکی کی ، محافظه ایده جکدر . و انشاء الله اوبیان ایتدیکمز نتایج دسترس و بشریتك منجیسی صیراسنه داخل اوله جکدر . بونی ایمانلی اردومزدن بکله مک حقمز واردر . چونکه انگلیز ، فرانسه و موسقوف سیاست و قوتی آنجق بوسایه ده افلاس ایدم جک و عالم کی بر دوره تاریخه ، بر دوره فلاح و سعادت مظهر اوله جکدر .

مصرلی

عمر رضا

عالم اسلام و ائتلاف مثلث

ائتلاف دولتلری بو آنه قدر کرک حرباً ، کرک سیاسیة بر ایش کورمیدیلر . روسیه و فرانسه نك مغلوبیتلری کوندن کونه تحقق ایدیور . آلمان ، آوستریا ، عثمانلی سلاحلرینك فائقیتی ، غالبیتی بیطرفلرجه درجه نبوته وارمشدر . مازوریا ، آپیر ، چناق قلعه مظفریتلری بر برینی ولی ایدوب طوردی . یوزبیکلرجه مقتول و اسیر ، کلیتی غنائم آلدی . بوغازده کی قلاع و استحکاماتك قوت و متناظرله ، قهرمان مدافعلمزك درایت و ثباتلری یالکزاور و پاده دکل ، جمله جهانده ولوله اندازولمش و غنائملرک بوکولز قوللره ، ییلمه از عزم و متانت مالک اولدقلری بر